



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

5. Architectus Christianus, & Ædificator Sodalis, primùm in se, tum in alijs
ædificat.

[urn:nbn:de:hbz:466:1-46065](#)

re: sibi ut persuadeant, non quæ licent, sed quæ simul ædificant, posse securè absque conscientiæ remorsu perfici.

ARTICULUS V.

ACHITECTUS CHRISTIANUS.

*Et Ædificator Sodalis, primùm in se tum in aliis
ÆDIFICAT.*

HOc Evangelici Ædificatoris munus exigit, quod proprium est hominis Sapientiæ Christianæ dediti, qualis esse debet SODALIS Virginis DEIPARÆ. hic semper oportet ædificet Domum, primùm in se, tum in aliis. Nam ut alios, vel in aliis, quispiam ædificet, requiritur, ut in se id primò faciat Posse autem quempiam Ædificare se, docet Paulus Apostolus in priore ad Corinthios xv. cap. ubi disputans, quod nam Spiritus-sancti donum sit præferendum, Propheta re, id est, exponere Sacram-scripturam, docere arcana Dei, verba facere de cœlestibus ac divinis, concionari ad mores instituendos idoneè an linguis loqui, seu, habere donū linguarum, ut in primitiva Ecclesiâ sepe continebat, cum multis linguis aliqui loquebantur, & psallebât, cum multorum admiratione & Ecclesiæ gaudio. Respondet autem ipse, Dono linguarum esse præferendam Prophetiam eo modo acceptam: quod hæc perutilis sit ad Ædificationem aliorum, quos edocet Propheta, Ecclesiastes, Concionator de rebus ad salutem spætantibus. Quare qui sic prophetat, Ecclesiam Dei Ædificat, inquit Apostolus. Qui autem lingua loquitur, quam nimirum alii non intelligunt, semet ipsum Ædificat, non instruit alios, non consolarur, non horratur ad meliora.

UTRUM-

UTRUMQUE autem si jungatur perfectum facit *Ædificatorem*, qui imprimis se ædificat, facitque *Domum Sapientiae*. contemplatione rerum cælestium, affectionibus pñs, desideriis spiritualibus, internis pietatis actibus, exercitatione virtutum variarum, quas dum copulat caritate, haud secus ac lapides calce jungit, ut exurgat *Ædificium Deo dignum habitaculum, seu regia Sapientiae*. Quam gravissimi Patres quidam dicunt (a) esse ipsam Animam hominis, secundum legem Dei sapientis, qualis est omnis Justus, siue Deo carus, quem titulum sibi meritò vendicat *Deiparae Sodalis* omnis. Alii non Animam volunt esse illam Domum, sed in Anima, virtutem congeriem ritè dispositam, & Caritate conglutinatam suo cum fundamento, parietibus, contignationibus, conclavibus, tecto, ut suo tempore explicabitur. Utrumque veritati est consentaneum, & cum utroque sensu optimè cohæret, quod *Domus illa*, quam ædificando se Iustus exiit, sit in ipso illo homine. Qui deinde *Ædificat* alios: & Verbis, quando loquendum, proferendo sermonem *Ædificationis*, ut loquuntur Magistri spirituales: & *Factis*, dum operandum faciendo omnia secundum præscriptum rationis & prudentiae, ad *Ædificationem*. Sic igitur quilibet virtutis perfectæ studiosus, piusque *Sodalis*, per Spiritus sancti, & Christi, qui est *Sapientia Patris*, gratiam, *Ædiput* *Domum*, vel *Animam*, vel in *Anima*, dum gratia cooperatur: tunc enim in ipso consurgit palatiū, regia templum virtutis & sanctitatis, in qua sanctissima TRINITAS mansio[n]e in suam habet, immo cœnare non dignatur. *Siquis audierit vocem meam, & apparuerit mihi januam, intrabo ad illum, & cœnabo cum illo, & ipse in cum,*

C 4 dicit

(a) Athanas. *Orat. contra Arianos & Disput contra Arium*
¶ *Conc. Niceno. Chrysost. seu Auctor Operis imperf. homin. 29.*
¶ *Matth. Bernard. scr. 3. de Adven. S. Rom. sermone de in-*
gressu in Sapient.

dicit humanissimus Dominus, Apocalypsis tertio, & apud Joannem cap. xiv. *Si quis diligit me sermonem meum servabit, & Pater meus diligit eum, & ad eum veniemus, & mansionem apud eum faciemus.*

SUAVISSIME S. Bernardus, & huic Adventus temporis accommodatissime (a) Beatus apud quem mansionem facies Domine IESU. Beatus in quo Sapientia ædificat sibi DOMUM, excidens columnas septem: Beata Anima, quæ Sedes est Sapientia. Quæ est illa? Anima utique Justi. Merito plane, quia Justitia & Judicium præparatio Sedis tuæ. *Quis in vobis est, Fratres, qui desiderat in Anima sua Sedem parare CHRISTO?* Ecce, quæ-nam illi serica, quæ tapetia, quæ puluinaria oporteat præparari? Justitia, inquit, & Judicium præparatio Sedis tuæ. Justitia virtus est, quod suum est, vnicuique tribuens. Tribue ergo tribus, quæ sua sunt. Redde Superiori, redde inferiori, redde æquali, quod debes cuique, & digne celebras Adventum CHRISTI, parans Ei in Justitia Sedem suam. Redde, inquam, reverentiam Prælato, & Obedientiam, quarum altera cordis, altera corporis est. Redde æquali consilium, quo eget. Redde inferiori auxilium, quod expectat. Addo Judicium, quo nos coram DEO iudicemus ac humiliemus. Hac plane est digna Sedis præparatio Domino Majestatis, ut & Justitiae mandata studeat quis observare, semper indignum se se & iniuste arbitretur.

ITA QUE Sodalis quilibet, immò fidelis omnis Christianus, pro suo quisque statu, ac conditione, ut officio satisfaciat suo, debet esse re ipsa ÆDIFICATOR, ac in se aliisque extruere DOMUM SAPIENTIAE. Quam si in Anima vestra ædificatam ornatamque invenerit, ad vos veniet, mansionemque apud vos faciet, quod vobis impensis simè precor, JESUS Parvulus. Quem interim quotidie, semel, bis, ter advocate: O Sapientia! veni ad doceendum nos viam prudentiæ. O Adonai! veni ad redimendum nos in brachio extento. O Radix Jesse! ve-

ARCHITECTUS CHRISTIANUS. 41

ni'ad liberandum nos, iam noli tardare. O Clavis David!
Veni & educ vincitum de domo carceris, sedentem in
tenebris & umbra mortis. O Oriens splendor lucis æter-
næ! O Sol Justitiae! veni & illumina sedentes in tenebris,
& umbra mortis. O Rex Gentium: veni & salva homi-
nem, quem de limbo formasti. O EMMANUEL!

veni ad salvandum nos :

Domine Deus Noster.



SERMO VI.

ANALOGIA MULTIPLEX

Inter Officia Architecti, & Amatoris Sapientiae,
Virtutumque Studiosi.

Sapientia edificavit sibi Domum. Proverb. ix. 1.

*Volens Turrim edificare, prius sedens computat sumptus,
qui necessari sunt. Lucæ xiv. 28.*

ARTICULUS I.

ARCHITECTUS CHRISTIANUS

*Quis nam sit? Quis item Amator, Cultorq[ue] Sapientie?
Quis virtutum Studiosus?*

SAPIENTIAE Amator cultorque est, nostrâ
descriptione, Qui litterarum, doctrinæ-uestiu-
dium, virtutum exercitationi copulat. vel, Homo
virtutum solidarum, & doctrinarum ornamenti
excultus. Nimirum, qui Pierati aut Religio-
ni, seu virtutum Christianarum fundamento doctrina-
rum augustissimam Domum Ædificando imponit. Quid
Cs hoc